

# MINISTARSTVO PRIVREDE/GOSPODARSTVA HNK/Ž

## ODOBRENJE ZA RAD PILANE

### KAKO OSNOVATI PILANU

Osnivanje pilane podrazumijeva osnivanje privrednog društva, čija je djelatnost rezanje drveta.

Da bi poduzetnik osnovao privredno društvo prvo mora donijeti odluku o osnivanju društva, kojom će definirati: oblik društva, firmu, sjedište, djelatnost i ostale relevantne elemente društva.

Sljedeći korak je registracija društva kod općinskog registracionog suda (upis u sudski registar)

Društvo može početi sa obavljanjem djelatnosti danom upisa u sudski registar i kad je aktom nadležnog tijela utvrđeno da ispunjava uvjete za obavljanje navedene djelatnosti.

Da bi dobio odobrenje za rad pilane (obavljanje djelatnosti rezanja drveta) poduzetnik mora osigurati adekvatan prostor i opremu za rezanje drveta. To se može riješiti: kupovinom, uzimanjem u zakup, izgradnjom ili adaptacijom adekvatnog prostora .

Obzirom da je to zahtjevan prostor, najčešće se poduzima namjenska izgradnja, što podrazumijeva pribavljanje urbanističke suglasnosti i građevinske dozvole (ishode se putem nadležnih općinskih tijela) kao i okolinskih uvjeta ili okolinske dozvole (putem nadležnih kantonalnih tijela).

Zatim slijedi pripremanje lokacije i izgradnja kompleksa, prema glavnom odnosno izvedbenom projektu te procedura izdavanja upotrebljene dozvole od strane općinskih tijela nadležnih za ova pitanja.

Pilane su specifični objekti i mogu obavljati djelatnost rezanja drveta ako posjeduju:

**1. stovarište oblovine, koje mora ispunjavati sljedeće uvjete:**

- da površinom mogu prihvati sedmodnevne zalihe oblovine;
- da podloga omogućava nesmetan rad prijevoznih sredstava za dovoz i istovar oblovine i dopremu trupaca do pilanske hale;
- prostorno omogućava kvalitativni i kvantitativni prijem sirovine;
- ima navoznu ulaznu rampu sa ili bez mehaniziranog pogona i/ili lančani transporter za vođenje trupaca do kolica ili steznih čeljusti, djelimično ili potpuno smještene na stovarištu oblovine.

**2. pilansku halu, koja treba da ispunjava sljedeće uvjete:**

- da je izgrađena od čvrstih ili montažnih materijala i zatvorena sa najmanje tri strane;
- ima podlogu od čvrstog materijala za nesmetano i sigurno kretanje radnika;
- ima urađene temelje i mjesta za montažu strojeva;
- ima kvalitetno osvijetljen radni prostor.
- i koja mora posjedovati sljedeću opremu:
  - gater ili tračnu pilu ili drugi primarni stroj za rezanje trupaca;
  - napravu za učvršćivanje trupaca;

- valjkasti ili tračni transporter iza gatera ili tračne pile, osim iza horizontalne tračne pile;
- kružnu (ili drugu) pilu za uzdužno rezanje ili dvostruku kružnu pilu za uzdužno rezanje (krajčarica);
- kružnu (ili drugu) pilu za poprečno rezanje;
- izlazni valjkasti/trakasti transporter;
- strojeve za oštrenje pila te alate i uređaje za održavanje pilanskih i ostalih strojeva ili ugovorom regulirano oštrenje i održavanje opreme.

**3. prostor za smještaj gotovih proizvoda (stovarište rezane grade), koje mora ispunjavati sljedeće uvjete:**

- ima kvalitetno izvedenu podlogu za nesmetano kretanje prijevoznih sredstava za utovar i odvoz gotovih proizvoda;
- omogućava minimalno provjetravanje prostora, dovoljno manipulativnih i protivpožarnih puteva i nesmetan rad na sortiranju i otpremanju gotovih proizvoda;
- omogućava odvojivost prostornih cjelina za pripremu, odlaganje i utovar proizvoda; površinom prostora omogućava smještaj minimalno 50% mjesecne količine proreza oblovine.

**4. silos za piljevinu sa sistemom za otprašivanje, ako pogon pilane ima instalisane godišnje kapacitete za prorez od  $3.000 \text{ m}^3$  i više;**

**5. prostor za administrativne poslove, sanitarni čvor i garderobu za radnike.**

**6. Viljuškar za manipulaciju rezanom građom (pogoni koji režu više od  $10.000 \text{ m}^3$  godišnje)**

Zahtjev za dobijanje odobrenja za rad pilane se predaje Kantonalnom Ministarstvu za privredu (vidjeti sadržaj: Odobrenje za rad pilana).

Pošto utvrdi da pilana svojim sadržajem i dokumentacijom ispunjava minimalne tehničko-tehnološke uvjete, nadležno Ministarstvo izdaje Rješenje o odobrenju za rad pilane.

Ispunjavanjem prethodnih procedura i pribavljanjem rješenja o odobrenju za rad, privredno društvo stječe uvjete za obavljanje registrirane djelatnosti, ali pošto je obavilo sljedeće aktivnosti:

-Donošenje normativnih akata:

- Statut
- Pravilnik o organizaciji i sistematizaciji
- Pravilnik o radu
- Pravilnik o zaštiti na radu
- Pravilnik o protivpožarnoj zaštiti itd.

-Raspisivanje konkursa i potom provođenje procedure za prijem radnika

-Popunjavanje prijavnih obrazaca i prijava uposlenika kod:

- Zavoda za zdravstveno osiguranje
- Zavoda za penziono - mirovinsko osiguranje

## **ZAKONSKA REGULATIVA**

- Zakon o uvjetima i načinu obavljanja djelatnosti rezanja drveta («Sl. novine FBiH», broj: 27/97 i 25/06),
- Pravilnik o minimalnim tehničko-tehnološkim i drugim uvjetima za obavljanje djelatnosti rezanja drveta u pilanama: («Sl. novine Federacije BiH», broj:14/02),
  - Zakon o privrednim društvima («Sl. novine FBiH», broj 23/99, 45/00, 6/02, 29/03, 68/05, 91/07, 84/08, i 88/08).

## **KAKO ISHODITI ODOBRENJE ZA RAD PILANE**

Po okončanju procedure izdavanja upotrebljene dozvole, da bi pilana mogla početi sa radom, mora proći proceduru izdavanja Rješenja o odobrenju za obavljanja djelatnosti rezanja drveta (odobrenja za rad pilane).

Zahtjev za izdavanje odobrenja za rad pilane podnosi se Ministarstvu privrede/gospodarstva Hercegovačko–neretvanskog kantona.

\*Pilane koje su posjedovale ranija odobrenja za rad ( općinska i republička) dužne su podnijeti zahtjev za izdavanje Saglasnosti za obavljanje djelatnosti rezanja drveta, uz prilaganje ranijeg odobrenja i tehničke dokumentacije sa dokazom o ispunjavanju uvjeta za rad, po istovjetnoj proceduri.

## **ŠTA SADRŽI ZAHTJEV**

Uz zahtjev se prilaže slijedeća dokumentacija:

1. Kantonalna taksa,
2. Dokaz o registraciji poslovnog subjekta,
3. Pravilnik o unutrašnjoj organizaciji i sistematizaciji radnih mesta,
4. Urbanistička suglasnost,
5. Građevinska dozvola,
6. Upotrebljena dozvola,
7. Okolinska dozvola odnosno okolinski uvjeti građenja i korištenja objekta
8. Tehničko-tehnološka dokumentacija s dijelovima:
  - Građevinski projekat,
  - strojna oprema i instalacije,
  - elektro instalacije i oprema,
  - sanitarna zaštita,
  - zaštita od požara,
  - zaštita okoline,
  - zaštita na radu,
9. Zapisnik o ispravnosti sredstava za rad i opreme,

10. Uvjerenje da je projektna dokumentacija i izvedeno stanje objekta usklađeno sa zahtjevima Zakona o protivpožarnoj zaštiti i zaštiti na radu,

Nadležna služba može zahtijevati od stranke i druge priloge (dopunu dokumentacije, izradu studije ili analize nekog stanja, uplatu troškova i slično), koji su neophodni za vođenje postupka, a čiji obim i sadržaj ovisi o kapacitetu i složenosti pogona.

\*U ovom uputstvu izneseni su samo najsažetiji oblici postupka, izvedeni iz odredbi važećih zakona i propisa, a podrobnija uputstva se mogu saznati u okviru stručnih službi nadležnih kantonalnih tijela.

## **PROCEDURA IZDAVANJA ODOBRENJA ZA RAD PILANE**

Po prijemu zahtjeva nadležno tijelo uprave, nakon utvrđivanja kompletnosti i ispravnosti dokumentacije, donosi Rješenje o imenovanju komisije za utvrđivanje minimalnih tehničko-tehnoloških uvjeta za obavljanje djelatnosti rezanja drveta u pilanama. Ukoliko je, u postupku tehničkog pregleda objekta, prethodno obavljeno utvrđivanje minimalnih tehničko-tehnoloških uvjeta, uz zahtjev se prilaže zapisnik Komisije.

Komisija počinje sa radom neposredno nakon utvrđivanja početnih uvjeta (kompletnost i ispravnost dokumentacije) i o datumu pregleda obavještava investitora.

Po izvršenom pregledu Komisija za utvrđivanje minimalno-tehničkih uvjeta za rad pilane o svom radu sačinjava Izvještaj. Ako su izvještajem komisije utvrđeni nedostaci koje treba otkloniti, nadležno tijelo će donijeti Rješenje o otklanjanju nedostataka.

Ako je izvještajem komisije utvrđeno da su ispunjeni minimalni tehničko-tehnološki uvjeti za obavljanje djelatnosti rezanja drveta, nadležno kantonalno tijelo uprave (uz prethodnu suglasnost federalnog tijela) donijet će Rješenje o odobravanju obavljanja registrirane djelatnosti.

Rok za izdavanje odobrenja za rad je 60 dana po prijemu urednog zahtjeva.

Troškove tehničkog pregleda snosi podnositelj zahtjeva, a oni se utvrđuju na osnovu troškovnika, koji ovise o veličini i opremljenosti proizvodnog pogona (mali, srednji i veliki), shodno odredbama Pravilnika o stručnoj komisiji za vršenje tehničkog pregleda poslovnih prostorija pravnih lica koja su registrovana za obavljanje djelatnosti rezanja drveta u pilanama, te visinu i način plaćanja novčane naknade za rad komisije ("Službene novine HNK" broj: 5/15)

Visina troškova za rad komisije, upravnih taksa ili drugih naknada te način plaćanja kao i druge obaveza u postupku stranci se, prije otpočinjanja rada komisije, nalažu putem posebnog Zaključka.

Nakon dobijanja Rješenja o odobrenju obavljanja djelatnosti rezanja drveta za konkretni objekat, pilana može početi sa radom.

## **ZAKONSKI OSNOV**

- Zakon o uvjetima i načinu obavljanja djelatnosti rezanja drveta («Službene novine Federacije BiH», broj: 27/97 i 25/06, 91/15),

Pravilnik o minimalnim tehničko-tehnološkim i drugim uvjetima za obavljanje djelatnosti rezanja drveta u pilanama («Službene novine Federacije BiH», broj: 14/02),

- Pravilnik o stručnoj Komisiji za vršenje tehničkog pregleda poslovnih prostorija pravnih lica koja su registrirana za obavljanje djelatnosti rezanja drveta te visini i načinu plaćanja novčane naknade za rad Komisije ("Službene novine HNK" broj: 5/15),

- Zakon o privrednim društvima («Službene novine FBiH», broj: 23/99, 45/00, 6/02, 29/03, 68/05, 91/07, 84/08, i 88/08),

- Zakon o upravnom postupku («Službene novine FBiH», broj: 2/98 i 4/99)

Mostar, 15.01.2010. godine

Stručna služba ministarstva